

HPV (chetnot tãotao i 'papilloma')

Hãfa HPV?

I HPV (chetnot tãotao-Papilloma) chetnot ginen umadallen tãotao. Tinanmen chetnot ginen (be'be' pat umadallen mãddok dãgan). Siña tanme esgen lãssas asta lãssas. Kãsi Singkuenta putsientos na taotãogues ni' mana'adelle u fannina'ye nu i HPV gi durãnten tiempo gi lina'la'-ñiha.

Hãfa na tãya' hiningok-hu put HPV?

Ti nuebu na chetnot este i HPV. Lão meggai tãotao ti tumungo' put este. Ti a'annok gi meggai tãotao na mangginai chetnot. Siña mumãhgong maisa i HPV--sin gumai probleman salut.

Hãyi siña tinanme ni' HPV?

Maseha hãyi na tãotao ni' ha chagi umadalle u nina'ye ni' HPV. Parehu lalãhi yan famalão'an u fanchinetnot--yan ma pãsa--sin ma tungo'. Put ti a'annok na gumaichetnot i taotão, siña i taotão u gai HPV achokha' maloffan ãños desteki umadalle. Gof siña gumai HPV hão kumu:

- Mandãlle hão gi hinoben-mu,
- Meggai tãotao adalle-mu, pat
- I dalelle-mu meggai adalle-ña.

Yanggen tai siñãt, pues hãfa na bai hu chathinasso put HPV?

Guaha mãs di sientu (100) na klãsen HPV yan ti todú siha gumai probleman salut. Guaha na klãsen HPV gumagai probleman du'an. Guaha na klãsen

HPV u fanggagai chetnot kãnsit serviks, be'be', 'vulva' pat mãddok dãgan. Meggaiña este siha na problema guminen i klãsen numiru sais, onse, disisais pat disiocho.

Kão gai amte i HPV?

Tai amten maisa este na chetnot i (HPV). Guaha ãmte siha para gumai probleman HPV taiguihi chetnot du'an, tinulaikan 'cervical' yan kãnsit 'cervical'.

Hãfa debi di bai hu tungo' put dinu'an chili pat be'be'?

Guaha meggai ãmten du'an siña un ayek. Lão achokha' ma ãmte hão despues, siña gumaige ha' i chetnot ya siña u tãnme otro siha. Yanggen ti un na'ma ãmte i du'an be'be' pat chili, siña mã'pos, sumãganñaihon, pat dumãngkolo osino mumeggai, ya ti u mama' kãnsit.

Hãfa debidi bai hu tungo' put kãnsit 'cervical'?

Gi rigulãt, debidi todú i famalão'an u fanma Chagen 'Paps'. I tes 'Paps' umi'ilão i tinulaikan i 'cell' ni' tumututuhon i HPV. I tes sumosodda' i tinulaikan i 'cell' tãftaf kosaki siña ma ãmte i Serviks ãntes di kumãnsit. Este na tes siña lokkue' u sinedda' i kansit tãftaf kosaki siña ma ãmte ãntes di sumen atdet. Sen hãssan mumãtai ginen kãnsit serviks kumu ma sodda' tãftaf i chetnot.



HPV (chetnot tãotao i 'papilloma')

Hãfa debidi bai hu tungo' put kãnsit be'be' pat kãnsit 'vulvar'?

Kãnsit be'be', i kãnsit gi halom i (kannat na'fañagu). Kãnsit 'Vulvar', i kãnsit gi krestan be'be', lãbios be'be', yan gi ma baban i be'be'. Este i dos klãsi na kãnsit sen hãssan. Ti todú i kãnsit be'be' yan kãnsit 'vulvar' guminen i HPV.

Hãfa debi di bai hu tungo' put kãnsit mãddok dãgan?

I kãnsit mãddok dãgan, ha fofotma gui' troson chetnot gi maddok dagãn-mu. I maddok dãgan, i pãtte gi ma baban i dagan (uttemmo na pãtte gi tilipas dãngkolo) asta guatu gi sanhihong i tatãotao.

Kão guaha tes pat preba para HPV?

Hunggan, Ha tetes para i klãsen HPV ni' numana'kãnsit 'cervical'. Inapreba i tes ni' Atmenestrasion Ámot yan Nenggkanno' Fidirãt (FDA) para u ma na'setbe para famalão'an ni' manmãs di trenta años na idãt. Siña sinedda' i HPV ántes di u guaha tinilaika gi 'cervix'. I famalão'an ni' manma tes ni' HPV ma nisisita ha' u fanma tes Pap.

Kão siña hu suhãyenñaihon i HPV?

Inapreba ni' Atmenestrasion Ámot yan Nenggkanno' Fidirãt (FDA), Ámot ni' para u inattetuyi siha chetnot, tãnto kãnsit 'cervical' ni' numa'guaguaha siha klãsen HPV. Faisen i mediku-mu kão nisisita un ma nã'i áttan ámot HPV.

Hãfa mãs siña hu cho'gue put para u tai chansa yu' nina'ye ni' HPV?

- Mungnga ha' mandãlle (pãra mandãlle').
- Yanggen mandãlle hão, siña un utot kuãnto na tãotao para adallelle-mu.
- Ayek un petsona ni' tãya' pat ti meggai adalle-ña. Etmãs menos na petsona inadalle-ña, meggaiña tai chansa gui' u gai iyu HPV.
- Ti ma tungo' kuãnto bali-ña i betsan chili siña u prinitehi hão para un nina'ye HPV. I lugãt siha ni' ti tinampe ni' betsan chili, siña u hinatme ni' chetnot.

Ufisinan Salut Famalão'an i Atmenestrasion Ámot yan Nenggkanno'
<http://www.fda.gov/womens>

Para un tungo' mãs:

Food and Drug Administration (FDA)

<http://www.fda.gov/BiologicsBloodVaccines/Vaccines/ApprovedProducts/ucm172678.htm>